

181 sint, sô si armbrustes span  
mit senewen swanke trîbet dan.  
dâr umbe gie ein brückenslac,  
dâ manec hurt ûffe lac.  
5 ez vlôz aldâ reht inz mer.  
Pelrapeire stuont wol ze wer.  
Seht, wie kint ûf schocken varn,  
die man schockes niht wil sparn:  
sus vuor diu brücke âne seil.  
10 diu was vor jugende niht sô geil.  
Dort anderthalben stuonden  
mit helmen ûf gebunden  
sehzeç ritter oder mêr.  
die riefen alle: »kêrâ kêr!«  
15 mit ûf geworfen swerten  
die kranken strîtes gerten.  
**D**urch daz si in dicke sâhen ê,  
si wânden, ez wære Clamide,  
wander sô küneclîchen reit  
20 gein der brücke ûf dem velde breit.  
dô si disen jungen man  
sus mit schalle riefen an,  
swie vil erz ors mit sporen versneit,  
durch vorhte ez doch die brücken meit.  
25 den rehtiu zageheit ie vlôch,  
der erbeizte nider unde zôch  
sîn ors ûf der brücken swanc.  
eines zagen muot wære al ze kranc,  
solt er gein sôlhem strîte varn.  
30 dar zuo muoser ein dinc bewarn,

sô si des a. (des des armbrvstes O) \*G

dâr über gienc \*G \*T

daz vl. \*T

P. was wol \*G (ohne Z)

nû seht, \*G

schockens \*T (ohne V) (I Z)

sine (dun I) was \*G (ohne OLZ)

wol sehzeç \*T

sî r. \*T (nur T)

d. daz si ([\*]: Den sý vil V) d. s. ê, \*T (O L)

wan er sô (om. I O) künstliche r. \*G (nur GI)

alsus mit \*G (nur G) \*T

vil (sere O [Z]) om. \*G (ohne IL)

Der rehte (Den rehtev O) zageheit \*G (ohne OLZ)

ors über der \*T (I)

---

\*D: D \*m: m Fr69 (181.17 und 19–25) \*G: G I O L Z \*T: T U V

---

11 Initiale m · Majuskel D T 13 Majuskel T 17 Initiale D I O L 21 Initiale T U V 25 Initiale G

---

2 swanke] swanze \*m 6 wol] om. \*m 10 diu] si \*m 17 Versfolge 181.18–17 \*m V · den si vil dicke sâhen ê, \*m 25 vlôch] geflôch \*m (nur m)